



REPUBLIKA E SHQIPËRISË

BASHKIA PATOS

DREJTORIA E PLANIFIKIMIT DHE ZHVILLIMIT TË TERRITORIT  
SEKTORI EMERGJENCAVE CIVILE

Nr. 418 / Prot. 11

Patos, më 13 / 03 / 2024



MIRATOHET  
KRYETARI  
Faton Duro

PROJEKTVENDIM

Nr. 27, datë 13/03/2024

**PËR DHËNIEN E NDIHMËS FINANCIARE  
NË RAST FATKEQËSIE TË SHKAKTUAR NGA RËNIA E ZJARRIT NË  
BANESË DHE HUMBJEN E JETËS SË Z. SABRI SERDARI NË FSHATIN  
VERBAS, NJËSIA ADMINISTRATIVE ZHARRËZ**

### KËSHILLIT TË BASHKISË PATOS

Në mbështetje të nenit 54, të ligjit nr. 139/2015 “Për vetëqeverisjen vendore”, i ndryshuar, ligjit nr. 45/2019 “Për Mbrojtjen Civile” ligjit nr. 44/2015 “Kodi procedurave Administrative në Republikën e Shqipërisë”, neni 113, pika 3, Vendimit të Këshillit të Ministrave nr. 329, datë 16.5.2012 “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore” i ndryshuar, Vendimit të Këshillit të Ministrave nr. 414, datë 08.07.2021 “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile” pika 3.1, shkronja a), kërkesës me nr. 418 prot., datë 12.02.2024 të z. Alburant Serdari i kërkojmë Këshillit të Bashkisë:

1. Të miratojë masën e ndihmës financiare prej 500,000 (pesëqind mijë) lekë në rastin e humbjes së jetës të anëtarëve të familjes.
2. Vlera e kësaj ndihme do të mbulohet nga fondi i kushtëzuar i buxhetit të shtetit për mbrojtjen civile 2024.
3. Shfuqëzimin e V.K.B-së nr. 52, datë 20.07.2022 “Për miratimin e ndihmës në rast fatkeqësie të shkaktuara nga rënia e zjarrit në banesë dhe humbjen e jetës së z. Sabri Serdari në fshatin Verbas, Njësia Administrative Zharrëz”.

**Anëtarët e Programit të mbrojtjes nga zjarri, shpëtimit dhe mbrojtjes civile.**

Ermenita Mici

Gazmira Plesati

Arben Shpërdheja

Alket Halimi

Vesjana Sanxhaku

Eljano Kumaraku

Adresa: Lagjia “Nafëtari”, Rruga “Unaza”, Patos



REPUBLIKA E SHqipërisë

BASHKIA E PATOS

DREJTORIA E PLANIFIKIMIT DHE ZHVILLIMIT TË TERRITORIT  
SEKTORI EMERGJENCAVE CIVILE

Nr. 418 / Prot.  
2

Patos, më 13/03/2024

## RELACION

**PËR DHËNIEN E NDIHMËS FINANCIARE  
NË RAST FATKEQËSIE TË SHKAKTUAR NGA RËNIA E ZJARRIT NË  
BANESË DHE HUMBJEN E JETËS SË Z. SABRI SERDARI NË FSHATIN  
VERBAS, NJËSIA ADMINISTRATIVE ZHARRËZ  
DHE SHFUQIZIMIN E V.K.B. NR. 52, DATË 20. 07. 2022**

### KËSHILLIT TË BASHKISË PATOS

Nisur nga kërkesa e përsëritur, me nr. 418 prot., dt. 12.02.2024 e z. Alburant Serdari ku në kërkesë shprehet për ndihmë financiare, pasi si pasojë e zjarrit të rënë në banesë babai i tij ka ndërruar jetë. Kjo e vërtetuar me skedën e vdekjes dt. 27.04.2022. Z. Alburant Serdari ka paraqitur kërkesën me nr.1155 prot., datë 10.05.2022, për verifikimin e dëmeve të shkaktuara në banesë dhe për ndihmë për rehabilitimin e saj. Për verifikimin e kërkesës së qytetarit është ngritur komisioni me urdhërin nr. 80, datë 06.05.2022. Komisioni ka shkuar në terren dhe ka mbajtur procesverbal më datë 10.05.2022, mbi dëmet e shkaktuara nga kjo fatkeqësi. Në bazë të pikës 2 dhe shkronjës a) të pikës 3 të kapitullit III të V.K.M-së nr. 329, datë 16.5.2012, “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore” i ndryshuar, përcaktohet “Dokumentacioni i nevojshëm për të kërkuar dhe vërtetuar dhënien e ndihmës financiare”: a) Procesverbali i konstatimit të gjendjes; b) Vendim i këshillit të komunës ose i bashkisë; c) Preventivat e dëmeve nga ana ndërtimore në objektet e banimit, si dhe dëmet në orendi, mobilie dhe pajisje elektroshtëpiake; ç) Çertifikata familjare në momentin e ndodhjes së fatkeqësisë; d) Çertifikata e vdekjes së pjestarit të familjes, kur ka raste të tilla, shoqëruar me vërtetimin e komisionit mjeko-ligjor, sipas rastit; dh) Akt-ekspertiza nga PMNZSH-ja, në raste zjarri dhe vërtetimi nga Policia e Shtetit ose prokuroria e rrethit, në raste eksplozivi; e) Studimi gjeologjik i hartuar nga Shërbimi Gjeologjik Shqiptar ose subjekte të licensuara nëse është rrëshqitje toke; ë) Konfirmimi i vendimit të njësisë së qeverisjes vendore për bazueshmërinë ligjore nga ana e institucionit të Prefektit të qarkut; f) Shkresa nga njësitë e qeverisjes vendore dhe këshilli i qarkut, ku të shprehet masa e ndihmës së dhënë për familjen e dëmtuar, në rast se ka, ose pamundësia financiare për ta ndihmuar, për mungesë fondesh.

Pika 3. Përcaktimi i ndihmës financiare. a) Masa e ndihmës financiare që Këshilli i Ministrave ose Ministria e Brendshme akordon në rastin e humbjes së jetës së anëtarëve të familjes, si pasojë e fatkeqësisë, është 500,000 (pesëqind mijë) lekë për çdo person të vdekur.

Në mbështetje të nenit 54, të ligjit nr. 139/2015 “Për vetëqeverisjen vendore”, i ndryshuar, ligjit nr. 45/2019, “Për Mbrojtjen Civile”, V.K.M-së nr. 329, datë 16.5.2012 “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore”, i ndryshuar, V.K.M-së nr. 414, dt. 08.07.2021 “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile”, pika 3.1 shkronja a) akordimin e ndihmës financiare për familjet, banesat e të cilave janë dëmtuar nga një fatkeqësi natyrore ose fatkeqësi të tjera sipas kriterëve specifike të përcaktuara në aktet nënligjore që rregullojnë ligjin nr. 45/2019, “Për Mbrojtjen Civile”, neni 41, “E drejta e kompesimit”, pika 2) dëmet përballohen nga vetë bashkitë e prekura nga fatkeqësia, nëpërmjet fondit të dedikuar për mbrojtjen civile, për këto arsye i kërkojmë Këshillit të Bashkisë:  
Të miratojë masën e ndihmës financiare prej **500,000 (pesëqind mijë) lekë** në rastin e humbjes së jetës të anëtarëve të familjes.

Me kërkesën për ndihmë financiare të Bashkisë Patos me nr. 2109 prot., datë 31.08.2022 drejtuar Këshillit të Ministrave, Ministrisë së brendshme.

Me shkresën nr. 4961/1 prot., datë 20.09.2022 kërkesë për ndihmë financiare të Bashkisë Patos, Sekretari i Përgjithshëm i Kryeministrisë udhëzon Bashkinë Patos për t’ia përcjellë praktikën dokumentare Ministrisë së Mbrojtjes.

Me shkresën nr. 8974/1 prot., datë 13.09.2022 të Ministrisë së Brendshme, kërkesën për ndihmë financiare të Bashkisë Patos me nr. 2109 prot., datë 31.08.2022 e ka adresuar në Agjencinë Kombëtare të Mbrojtjes Civile.

Ministria e Mbrojtjes, Agjencia Kombëtare e Mbrojtjes Civile me shkresën nr. 1504/2 prot., datë 22.09.2022 kërkesë për ndihmë financiare në rast humbje jete, drejtuar Bashkisë Patos, për dijeni Ministrisë së Brendshme, Drejtorisë së Përgjithëshme të Politikave për Çështjet Vendore dhe Prefekturat, sqaron se:

Bazuar në ligjin nr. 45/2019, “Për Mbrojtjen Civile” përkatësisht pikës 1, të nenit 65, “Buxheti i Bashkive”, neni 41, “E drejta e kompesimit” V.K.M-së nr. 414 dt. 08.07.2021 “Për miratimin e procedurave dhe kriterëve të ndarjes dhe të përdorimit të fondit të kushtëzuar të buxhetit të shtetit për mbrojtjen civile”, për zvogëlimin e riskut nga fatkeqësitë dhe mbrojtjen civile në referencë edhe në rastin e mësipërm, trajtimi i situatës së sipërpërmendur ngelet nën administrimin e plotë të institucionit tuaj, i cili mbështetet në parashikimin minimal prej 4% të totalit të buxhetit vjetor të tyre, të siguruara nga fondet e kushtëzuara të buxhetit të shtetit.

Ministria e Mbrojtjes, Agjencia Kombëtare e Mbrojtjes Civile me shkresën nr. 1636/2 prot., datë 11.10.2022 drejtuar Bashkisë Patos, për dijeni Kryeministrisë, sqaron Bashkinë Patos për vazhdimësinë e procedurës ligjore bazuar në ligjin nr. 45/2019, “Për Mbrojtjen Civile” neni 41, “E drejta e kompesimit”, V.K.M-së nr. 414 dt. 08.07.2021 “Për miratimin e procedurave dhe kriterëve të ndarjes dhe të përdorimit të fondit të



kushtëzuar të buxhetit të shtetit për mbrojtjen civile”.

Këshilli i Bashkisë bazuar në projektvendimin me nr. 51, datë 15.07.2022, me nr. 1155/3 prot., datë 15/07/2022, relacionin me nr. 1155/4 prot., datë 15.07.2022, “Për miratimin e ndihmës në raste fatkeqësie të shkaktuar nga rënia e zjarrit në banesë dhe humbjen e jetës së z. Sabri Serdari në fshatin Verbas, Njësia Administrative Zharrëz”, ka marrë Vendimin nr. 52, datë 20.07.2022, me nr. 1155/4 prot., datë 26.07.2022.

Prefekti i Qarkut Fier me shkresën nr. 871/1 prot., datë 19.08.2022, “Kthim përgjigje për verifikimin e ligjshmërisë së vendimeve të Këshillit Bashkiak Patos me nr. 52, datë 20.07.2022”, shprehet:

Ky vendim i miratuar nga Këshilli Bashkiak Patos, bazuar në nenin 3, pika 2, të ligjit 44/2015, “Kodi i Procedurave Administrative”, nuk përbën akt me karakter normativ. Në këtë rast, Prefektit të Qarkut Fier detyrimi për të verifikuar ligjshmërinë, i lind nga neni 8, shkronja “j”, e ligjit nr. 107/2016, “Për Prefektin e Qarkut”, në të cilën parashikohet se Prefekti i Qarkut ushtron dhe detyra të tjera të ngarkuara me akte ligjore ose nënligjore. Konkretisht kjo detyrë parashikohet në kreun III, pikën 1, shkronjën “f”, të VKM-së me nr. 329, datë 16.5.2012, “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore”.

Aktualisht ligji bazë që rregullon dhënien e ndihmave financiare në rast fatkeqësie natyrore ose fatkeqësie tjetër të shkaktura nga veprimtaria njerëzore, është ligji nr. 45/2019, “Për Mbrojtjen Civile”. Sipas tij aktet nënligjore, të nxjerra në zbatim të ligjit nr. 8756, datë 26.03.2001, “Për Emergjencat Civile”, (tashmë i shfuqizuar), zbatohen për aq kohë sa nuk bien në kundërshtim me këtë ligj. Nga ana juaj nëpërmjet vendimit nr. 52, rezulton të jetë miratuar dhënia e ndihmës financiare prej 500,000 mijë lekë nga Këshilli i Ministrave ose Ministria e Brendshme, me rastin e humbjes së jetës të anëtarit të familjes, z. Sabri Serdari. Pra Këshilli Bashkiak Patos ka miratuar ndihmë financiare me fonde të Këshillit të Ministrave ose Ministrisë së Brendshme, kopetencë kjo e cila nuk i takon Këshillit Bashkiak Patos.

Nga procesverbali i mbledhjes rezulton se Bashkia Patos nuk ka dhënë ndihmë financiare pasi familja ka qenë qiramarrëse dhe jo pronarë të shtëpisë. Në rastin tuaj ndihma nuk është akorduar dhe nuk keni sqaruar pse Bashkia Patos është në pamundësi financiare për të akorduar ndihmën financiare nga fondet e veta.

Në VKM-në me nr. 329, datë 16.5.2012, “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore”, parashikohet si kopetencë e këshillit të bashkisë marrja e vendimit për dhënien e ndihmës financiare, (pas shqyrtimit të procesverbalit të konstatimit të gjendjes dhe të dokumentacionit të vlerësimit të dëmeve) me përjashtim të rastit kur bashkia do të ishte në pamundësi financiare për të ndihmuar, fakt ky i cili do duhej të shprehej me shkresë. Në pikën 3, të kreut III, të VKM-së të sipërcituar parashikohet masa e ndihmës financiare që Këshilli i Ministrave ose Ministria e Brendshme, akordon në rastin e humbjes së jetës së anëtarëve të familjes, si pasojë e fatkeqësisë, që është 500,000 mijë lekë për çdo person që ka humbur jetën. Si rrjedhojë vendimi për të akorduar ndihmën financiare i takon institucionit nga i cili do të mërren fondet.

Në këto kushte, bazuar në nenin 16, shkronja “b/i”, të ligjit nr. 107/2016, “Për Prefektin e Qarkut”, vendimi ju kthehet jo në përputhje me kuadrin ligjor në fuqi, duke përfshirë dhe ligjin nr. 139/2015, “Për vetëqeverisjen vendore”, neni 54, ligjit nr. 45/2019, “Për Mbrojtjen Civile”, dhe V.K.M-së nr. 329, datë 16.5.2012, “Për kriteret dhe procedurat e dhënies së ndihmës shtetërore financiare për mbulimin e dëmeve të shkaktuara nga fatkeqësi natyrore ose fatkeqësi të tjera të shkaktuara nga veprimtaria njerëzore”.


Në këto kushte bazuar në ligjin nr. 44/2015, “Kodi procedurave Administrative në Republikën e Shqipërisë”, neni 113, pika 3, “Anulimi ose shfuqizimi bëhen me një akt të ri me shkrim, i cili anulon, shfuqizon, ndryshon apo plotëson aktin e parë”: Kërkojmë nga ana e këshillit bashkiak anulimin e vendimit nr. 52, datë 20.07.2022, me nr. 1155/5, datë 26.07.2022, “Për miratimin e ndihmës në raste fatkeqësie të shkaktuar nga rënia e zjarrit në banesë dhe humbjen e jetës së z. Sabri Serdari në fshatin Verbas, Njësia Administrative Zharrëz”.

Anëtarët e Programit të mbrojtjes nga zjarri dhe shpëtimit dhe mbrojtjes civile.

1. Ermenita Mici



2. Gazmira Plesati



3. Arben Shpërdheja



4. Vesjana Sanxhaku



5. Eljano Kumaraku



  
KRYETARI  
Fation Duro